

**Ո Ր Ո Շ ՈՒ Մ N 821/1**  
**/վարչական տույժ նշանակելու մասին/**

«9» հուլիս 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Հենար ֆուդ» ՍՊ ընկերության (ՀՎՀՀ՝ 03547584) տնօրեն Ջհանգիր Ապրեսյանի /անձը հաստ. փաստ. BA3191555, բնակվող ՀՀ ք. Երևան Կ. Ռիլնեցու փ, 70/12, 15բն/ նկատմամբ հարուցված մաքսային կանոնների խախտման վերաբերյալ գործը,

**Պ Ա Ր Ձ Ե Ց Ի**

«Հենար ֆուդ» ՍՊ ընկերության անվամբ 05100033/090221/0003264 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք է ներմուծվել 5750 կգ միս, որը 09.02.2021 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 23.06.2021 թվականին «Հենար ֆուդ» ՍՊ ընկերության տնօրեն Ջհանգիր Ապրեսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով: Մաքսային կանոնների խախտման վերաբերյալ գործի քննությունը նշանակվել է 09.07.2021 թվականին ժամը 10:00-ին, ինչի մասին ծանուցագիր է ուղարկվել Ջհանգիր Ապրեսյանի բնակության վայր սակայն, որևէ միջնորդություն չի հարուցվել, գործը քննվել է Ջհանգիր Ապրեսյանի բացակայությամբ:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «Հենար ֆուդ» ՍՊ ընկերության տնօրեն Ջհանգիր Ապրեսյանը սահմանված ժամկետում թիվ 05100033/090221/0003264 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք ներմուծված ապրանքների համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝ Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

#### Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Հենար ֆուդ» ՍՊ ընկերության տնօրեն Ջհանգիր Ապրեսյանին ենթարկել վարչական պատասխանատվության՝ տուգանելով **50.000** ՀՀ դրամի չափով:
2. Որոշման մասին հայտնել «Հենար ֆուդ» ՍՊ ընկերության տնօրեն Ջհանգիր Ապրեսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-  
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ